

皇
明
制
書

皇明制書

巡撫保定等府兼提督紫荆等關都察院右副都御史臣張鹵奏
禮儀定式卷之八

禮部為禮儀事切照禮治天下之大本也古今帝王為治之道莫先於禮三代而下迄漢唐宋其禮制之詳雖各因時制宜然所以行於天下者具載簡冊歷歷可考也欽惟

聖朝天子所以一節命儒南也古準今定

禮交制頒示中外。蓋亦有年矣。然其間或失於簡畧。或傷於繁碎。故不能無過不及之差。洪武二十年冬十一月。

皇上以萬機之隙。勅本部尚書臣李原名等。

同六部都察院通政司翰林大理等官。

從加詳定。輯而新之。以圖永久。臣等承

命惟謹。伏取舊制。增損條列。以謂人臣事

君之忠。其肅恭寅畏之心。見於進退之際。

莫不有其節。一失其節。則非禮矣。故制

祖所定禮八條。以為燕饗。雖通達下情。而服役之分。則秩然不可紊。故制進宴。鞍轡二條。若出使之人。其職雖微。然必予於錡倍之上者。蓋其所將者。

君命也。可輕視其人乎。主將受命。即當致力奉行。以報平日。

寵遇之恩。然間有簡慢。弗以為意者。是蓋天討之所不容已也。故制出使之禮三條。若五拜者。是臣見。

聖加之禮也。以下四拜者。子見親之禮也。餘雖貢不過二拜者。以見天下之尊無二也。故制官員拜禮二條。至於公坐公聚相見相避之儀。蓋少之事長。賤之事貴。各知其分。而不敢踰者。此禮之所當然也。至於冠帶服色。居室等制。

朝廷所以辨上下也。上可以兼下。下不可以僭上。苟一越其制。則上下且混然無別矣。此禮之所當謹也。斯禮之制。頒行

中外。凡諸臣庶能守之而不失行之而
不怠。則可以永享天祿矣。敬哉毋忽。

禮儀定式前序

洪武二十年冬十月二十三日

皇上御奉

天門召六部都察院通政司左春坊大理寺
衆臣等

諭曰。近者臣僚尊卑體統。多未得宜。爾等
宜著禮儀以為定式。臣等欽承

上命。謹載拜稽首而退。次日禮部定到禮儀
合行事宜。為款一十有四。分條三十有

七以進

王音賜允。越三日。禮部尚書臣李原名傳
旨命臣倫為序。乃不敢以不敏辭。臣聞治
國必以禮為禮。必本於義。蓋禮義行。則
貴賤之位定。而尊卑之分明。欽惟

國家自開基混一以來。其大經大法。次第
續已頒行。有曰禮制曰律令曰

大誥。而臣民咸知所欽遵。特於禮節文其
間委曲之詳。有未盡舉。

皇上是以惓惓

軫念繇是

命春官定此禮儀以布中外。臣謂惟禮可
以格人心之非。人苟能格其非心。則處
事自合於宜而義著矣。故當各安其分
以盡為人臣之道。斯禮也。達乎公侯駢
馬大夫士使之皆有所持循遵守大小
有倫尊卑有序秩然不相紊亂。其所以
辯上下定民志正綱紀厚風化誠有補

於

治道於戲。凡在中外大小臣屬俱宜深體上意敬而無怠慎終于始斷然毋踰禮。毋僭分。當為所當為。毋為所不當為。如此於禮曰義。庶幾其可。是為序以規。

洪武二十年冬十一月 日奉議大

夫左春坊大學士 臣董倫謹序

禮儀定式

朝參凡八條

一凡朝班序立。公侯序於文武班首。次駙馬。次伯自一品以下。各照品級。文東武西。依次序列。風憲糾儀官居下朝北。紀事官居文武第一班之後。稍近上。便於觀聽。不許撓越。如有事奏務要從班未行至。

御前跪奏。不得於班內穿過。奏畢即便入班。

序立。

一凡文武百官於

御前侍坐。遇有大小官員奏事。必須起立。候奏事畢復坐。不許踞坐失儀。如有特旨賜坐。則復坐。

一凡文武百官出入

朝門。各照品級第加敬遜。如一品以下官遇公侯駙馬加敬禮。立則旁立。行則後從。三品四品官遇一品二品官加

遜禮行立俱後從五品以下倣此不
許攙先越次失儀如有事

宣召不在此限

一凡百官朝參遇有

聖諭教誡須當專心致意拱聽分明即便省
身克己不許放肆馳心外想

一凡百官自入

午門內不許吐唾如朝參近侍

御前有患病咳嗽者即許退班

一凡百官

御前奏對務必從實。知則為知。不許妄對。

一凡大小官員如隨從

上位行丹墀。身常朝北。不得向南。或左或右。

環轉隨侍。不許背北。如

上位陞奉天門及

丹陛。其隨從官員不得徑行中道。并

王道如有

行方許於側邊隨行。

一百官凡入

朝門。須要拱手端行。威儀整肅。不許行私揖禮。

筵宴禮儀凡二條

一凡文武百官。每遇筵宴。四品以下。文東武西。各照品級次第上。

殿侍坐。五品以下。於

殿外丹墀內。文東武西。各照品級序坐。

其奉

特旨賜

殿內坐者。不在此限。如在

奉天門。則公侯坐于門內。四品以上官。坐于門外。五品以下官。坐于

丹墀內。各照品級。文東武西。務要容止恭肅。不許撓越。誼譁簡慢。

一凡百官於

奉天華蓋。謹身武英等殿筵宴奏事。須穿禮鞋。方許上

殿違者從禮部官監察御史儀禮司糾舉

送法司如律

出使禮儀凡三條

一凡使者欽齋

詔書至總兵官處近營十里先令人報知
總兵官設香案於營內南向列金鼓
旗伏率領諸將出營迎接見使者下
馬立干道傍俟

詔書過總兵官并衆官上馬後從至營門

各下馬。使者前行。總兵官并衆官後從。至營內。使者捧

詔書置於案。使者立于案東西向。總兵官

并衆官行四拜禮。拜與拜與拜與拜與使者

取

詔書以授宣讀官。衆官皆跪宣讀畢以授

使者。後置於案。衆官皆俯伏興平身

行四拜禮。拜與拜與拜與拜與禮畢。使者東

立西向。總兵官西立東向。行兩拜。相

見禮畢。使者居東。總兵官居西。相向序坐。

一凡使者欽齋

制諭勅符手詔至總兵官處。果係機密軍務。經過去處。不許報知本處官司。亦不許迎接。徑至總兵官營外。先密遣人報知總兵官。設香案於兵幕南。向總兵官親出營迎接。使者下馬捧制諭勅符前行。總兵官後從至兵幕。使者

取

制諭勅符置于案。使者立於案東西向。總

兵官行五拜禮。

拜與拜與拜與平身禮畢。悉

今屏去左右。使者取

制諭勅符。親授總兵官。開看畢。後收卷。復
置于案。使者東立。西向。總兵官西立。
東向。行兩拜。相見禮畢。使者居東。總
兵官居西。相向序坐。

一總兵將軍奉

命征討凡遇使者齎到

制諭勅符手詔依儀行禮開看畢即便依
旨奉行如有應合覆奏事理隨時具奏請
旨不許違延方

命違則如律

官員拜禮凡二條

一凡

朝見稽首頓首五拜乃臣下見

君上之禮先稽首頓首四拜後一拜叩頭成

禮稽首四拜者百官見

東宮親王之禮其見父母亦行四拜禮其餘官長及親戚朋友相見止許行兩拜禮

一凡公侯駙馬相見各行兩拜禮一品官見公侯駙馬一品官居右行兩拜禮公侯駙馬居左答禮二品見一品二品居右行兩拜禮一品居左答禮三品見二品三品居右行兩拜禮二

品居左答禮。四品見三品。四品居右。行兩拜禮。三品居左答禮。五品見四品。五品居右。行兩拜禮。四品居左答禮。六品以下倣此。如三品見一品。四品見二品。行兩拜禮。一品二品官答受從宜。餘品倣此。如有親戚尊卑之分。從行私禮。

官員公坐 凡一條

一大小衙門官員。每日公坐。行肅揖禮。

佐貳官揖長官。長官答禮。首領官揖長官。佐貳官。長官佐貳官拱手。

司屬見上司官。

凡一條

凡屬官見上司官。必序立於堂階之上。總行一揖。上官拱手。首領官答揖。其公幹節序見上司官。皆行兩拜禮。長官拱手。首領官答禮。

聚序坐

凡文武官公聚。各依品級序坐。若資品

相同者各照衙門次第。若王府官屬與朝官坐立各照品級。俱在朝官之次。

官員相遇迴避等第

凡八條

一凡駙馬遇公侯分路而行。一品二品遇公侯駙馬。引馬側立。俟其過。二品見一品。二品趨右讓道而行。三品遇公侯駙馬。引馬迴避。遇一品。引馬側立。遇二品。趨右讓道而行。四品遇一

品以上官引馬迴避遇二品引馬側
立遇三品趨右讓道而行五品遇二
品以上官引馬迴避遇三品引馬側
立遇四品趨右讓道而行六品遇三
品以下官引馬迴避遇四品引馬側
立遇五品趨右讓道而行七品遇四
品以上官引馬迴避遇五品引馬側
立遇六品趨右讓道而行八品遇五
品以上官引馬迴避遇六品引馬側

立遇七品趨右讓道而行。九品遇六品以上官引馬迴避。遇七品引馬側立。遇八品趨右讓道而行。品級相等者分路而行。如有親戚尊卑之分聽從迴避。

一凡內官出入遇駙馬於道必須下馬。遇公侯一品二品官引馬側立。遇三品四品官分路而行。

一凡公侯駙馬一品二品官隨從火者

人等。非跟隨本官。而私自出入者。凡遇文武百官。必須下馬。違者治罪。

一凡所屬官。遇上司官。引馬迴避。所屬官品級高者。遇上司官卑者。分路而行。

一官員應合迴避。而路窄不可迴避者。則下馬拱立。應分路者。不得占中道。

一凡文武官員出入。應合開道。而自不開道。致令應避官員。不曾迴避者。不

問若因而生事者止問上官

一京師人煙輻輳其街市軍民人等買賣及乘坐驢馬出入者遙見公侯駙馬一品以下至四品官過往即便下馬讓道。

官員當避路者若承

宣召及祠祭官詣祠所并有捕逐者在道雖遇應避之官不避

在京官員常行儀從凡一條

凡文武百官自四品以上儀從並依舊制從宜。五品官止許引道一人。六品以下不許引道。其出郊在外儀從仍依舊制。不拘此例。

官員傘蓋 凡一條

凡百官合用傘蓋。一品二品銀浮屠頂茶褐羅表。青絹裏三簷。三品四品用紅浮屠頂茶褐羅表。紅絹裏三簷。已上傘蓋俱用黑色茶褐。兩傘俱用紅。

油絹五品用紅浮屠頂青羅表紅絹裏兩簷雨傘紅油絹六品七品八品九品用紅浮屠頂青絹表紅絹裏兩簷雨傘俱用油紙。

官員冠帶

凡二條

一凡公冠八梁加籠巾貂蟬立筆五折四柱香草五段前後用玉為蟬侯冠七梁加籠巾貂蟬立筆四折四柱香草四段前後用金為蟬伯冠七梁加

籠巾貂蟬。立筆二折四柱。香草二段。前後用玳瑁為蟬。俱左插雉尾。駙馬冠與侯同。不用雉尾。一品冠七梁。不用籠巾貂蟬。二品冠六梁。三品冠五梁。四品冠四梁。五品冠三梁。六品七品冠二梁。風憲官加獬豸。八品九品冠一梁。

一凡公侯駙馬一品用玉帶。二品用犀帶。三品釵花金帶。四品素金帶。五品

釵花銀帶。六品七品素銀帶。八品九品烏角帶。務依品級服用。不許僭越。并束玳瑁瑪瑙等帶。有亂品級。

官員服色

凡二條

一凡衣服花樣。公侯駙馬用麒麟白澤。文官一品二品仙鶴錦雞。三品四品孔雀雲鴈。五品白鵬。六品七品鷺鷥。鸂鶒。八品九品黃鸝。鷓鴣。練鵲。風憲官用獬豸。武官一品二品獅子。三品

四品虎豹。五品熊羆。六品七品彪。八品九品犀牛。海馬。

一凡文武百官軍民僧道人等衣服帳幔並不許用玄黃紫三色并織繡龍

鳳文

官員房舍凡一條

一凡官員蓋造房屋並不許歇山轉角。重簷重拱。繪畫藻井。其樓房不係重簷之例。聽從自便。

公僕前廳七間。或五間。兩厦九架。造中堂七間。九架。後堂七間。七架。門屋三間。五架。門用金漆。及獸面擺錫環。家廟三間。五架。俱用黑版瓦。蓋屋脊用花樣瓦。獸梁棟斗拱。簷桶彩色繪飾。窓枋柱用金漆。或黑油飾。其餘廊廡厨庫。從屋等房。從宜蓋造。俱不得過五間。七架。

品一品廳堂五間。九架。屋脊許用瓦。

獸梁棟斗拱簷楠青碧繪飾門屋三間五架門用綠油及獸面擺錫環

三品至五品廳堂五間七架屋脊許用瓦獸梁棟簷楠青碧繪飾正門三間三架門用黑油擺錫環

六品至九品廳堂三間七架梁棟止用土黃刷飾正門一間三架黑門鐵環已上品官房舍除正廳堂外其餘房舍許從宜蓋造但北正屋制度務要

減小不許太過其門窓戶牖並不許用硃紅油漆。

官員器皿床榻鞍轡弓矢

凡四條

一公侯一品二品酒注酒盞用金餘用銀三品至五品酒注用銀酒盞用金餘用磁漆六品至九品酒注用銀餘用磁漆木器並不許用硃紅及稜金描金雕琢龍鳳

一官員床面屏風榻子並用雜色漆飾

不許雕刻龍鳳紋并金飾硃漆。

一官員鞍轡公侯一品二品用銀減鐵事件。鞞用描銀。三品至五品用銀減鐵事件。鞞用油畫。六品至九品用擺錫鐵事件。鞞用油畫。

一弓矢凡軍官軍士應用弓矢止是黑漆弓袋箭囊並不許用硃紅描金粧飾。

右前件

凡三條

一在京公侯駙馬文武百官及官員舍人國學生員俱要將頒行已定禮儀常加講習務在遵守。

一在外有司務要謄寫刊行及省令儒學生員民間子弟講習遵守毋視虛文違者以違。

制論罪。

一定到禮儀制度內有條件該載未備者悉依原定舊制遵守。

皇親指揮使等官。女直都指揮。

丹陞東近上

脩撰等官。給事中。御史。中書舍人。

丹輝東

郎中。員外郎等。

丹輝西

指揮使等官。

弘治十六年例

朝公卿大臣乘安車肩輿

一景泰年間在京文職官自三品以上許乘轎其餘不許因太監汪直奏要禁革詎本部查例具題奉

憲宗皇帝聖旨是照景泰年例行欽此

成化十三年例

一先詎河南等道監察御史奏稱要行禁約八人權轎本部議得合通行兩京及在外文武衙門官員除奉有

持旨及文職例應乘轎者乘轎應乘馬不許

乘轎等因覆題奉

孝宗皇帝聖旨是今後違例乘轎及擅乘八人轎者還嚴加禁約違了的着指名來說欽此

弘治七年例

一官員合用儀從人數

公十人

侯八人

伯六人

一品至三品六人

四品至六品四人

七品至九品二人

一出使禮儀。遵依洪武禮制。

一官員人等服飾傘蓋器皿鞍轡房屋巾帽穿靴等制。一遵禮制榜冊。違者治罪。已上官民服舍器用務要照依等第。上可以簞下。下不可以僭上。其服色器用之類。如有違僭者。令出一月之內。許令改正。若蓋造房舍。各遵禮制榜冊定式。其廊廡庫厨等房。許從宜添蓋。但比正屋制度減小。不可太過。如有故行違式僭

分及工匠不依定式成造者。並許諸人
首告。

已上宣德四年榜禮儀定式同

禮儀定式後序

萬方之所承式在

京師京師之所承式在

朝廷所謂正朝廷以正百官正百官以正

萬民正四方者也

皇上奄有四海君臨天下以來治定制禮上
之

朝廷有儀注次之京兆又次之外府州縣
有洪武禮制中外奉行亦有年矣乃

者

皇上萬幾冗隙載命禮曹與爾廷臣詳定朝儀繁簡適中以間尚書臣李原名侍郎臣張衡則如

旨條奏即日復召六部都察院通政司左春坊大理寺群臣等

面折厥衷惟允已乃以頒示求為定式其條朝參八。筵宴二。出使三。拜禮二。公座司屬見禮公聚序坐三官相遇司

避八常行儀從一。以至傘蓋冠帶服
色器皿鞍轡弓矢屋舍床榻之類悉
依品從。毋敢踰越。此禮之常經然也。
中間拜禮先稽首頓首四拜後叩首
拜為見

君之禮拜止于四為見

東宮各親王之禮見父母同四拜禮見親
戚官長止兩拜禮如官者非公
侯駙馬其自出入者遇文武百官須

下馬讓道其承

宣召以下數事。遇應避之官不避。及司屬見禮應避路者。有親戚尊卑之分。聽行私禮。此則禮之從且者。要在本乎常經合乎人情而已。之則朝參第

四條

聖諭教戒。毋恣肆怠聽。思為省躬克己之道。其諸條中最切要者。大都能以

聖戒存心。斯能於臣職無所不用其心矣。豈

但遵奉朝儀而已哉。

洪武二十年冬仲望日翰林學士奉
議大夫兼左春坊贊善臣劉三吾拜
手謹啟

禮儀定式卷之八終

皇明制書

巡撫保定等府兼提督紫荆等關都察院右副都御史張鹵按
教民榜文卷之九

戶部為教民事洪武二十一年三月十
九日本部尚書郁新等同文武百官於
奉天門早

朝欽奉

聖旨自古人君代天理物建立有司分理庶
務以安生民當時賢人君子惟恐不為

君用及為君用無不盡心竭力效其勤勞顯父母榮妻子立美名於天地間豈有壞法之為所以官稱其職民安其生朕自混一四海立綱陳紀法古建官內設六部都察院外設布政司按察司府州縣名雖與前代不同治體則一柰何所任之官多出民間一時賢否難知儒非真儒吏皆猾吏往往貪賊壞法倒持仁義殃害良善致令民間詞訟皆赴京

來如是連年不已。今出令昭示天下民
間戶婚田土鬪毆相爭。一切小事。須要
經由本里老人里甲斷決。若係姦盜詐
偽人命重事。方許赴官陳告。是令出後。
官吏敢有紊亂者。處以極刑。民人敢有
紊亂者。家遷外化。前已條例昭示。爾戶
部再行申明。

一民間戶婚田土鬪毆相爭。一切小事
不許輒便告官。務要經由本管里甲

老人理斷若不經由者。不問虛實。先將告人杖斷六十。仍發回里甲老人理斷。

一老人里甲與鄉里人民。住居相接。田土相隣。平日是非善惡。無不周知。凡因有陳訴者。即須會議。從公部斷。許用竹篦荆條。量情決打。若不能決斷。致令百姓赴官。奈煩者。其里甲老人。亦不杖斷。六十年七十已上者。不打。

依律罰贖。仍看落果斷。若里甲老人
徇情作獎。顛倒是非者。依出入人罪
論。老人里甲合理詞訟。

戶婚 田土 鬪毆 爭占

失火 竊盜 罵詈 錢債

賭博 擅食田園瓜果等

私宰耕牛 棄毀器物稼穡等

畜產咬殺人 卑幼私擅用財

褻瀆神明 子孫違犯教令

師巫邪術

六畜踐食禾稼等

均分水利

一凡老人里甲剖決民訟許於各里申明亭議決其老人須令本里衆人推舉平日公直人所敬服者或三名五名十名報名在官令其剖決若事干別里須會談里老人里甲公同剖決其坐次先老人次里長次甲首論齒序坐如里長年長於老人者坐於老

人之上如此剖判民訟抑長幼有序
老者自然尊貴

一老人理詞訟不問曾朝覲未曾朝覲
但年五十之上平日在鄉有德行有
見識衆所敬服者俱令剖決事務辨
別是非有年雖高大見識短淺不能
辯別是非者亦置老人之列但不剖
決事務

一本里老人遇有難決事務或子弟親

戚有犯相干。須會東西南北四隣里分。或三里五里衆老人里甲剖決。如此則有見識多者。是非自然明白。

一老人里甲剖決詞訟。本以便益官府。其不才官吏。敢有生事羅織者。罪之一老人有犯罪責。許衆老人里甲公同會議。審察所犯真實輕者。就便剖決。再不許與衆老人同列理訟。若有所犯重者。亦須會審明白。具由送所在。

有司解送京來不許有司擅自拏問
若有司擅自拏問者許老人具由來
奏罪及有司

一老人中有等不行正事倚法為姦不
依衆人公論攪擾壞事者許衆老人
拏赴京來

一老人毋得藉以斷決為由挾制里甲把
持官府不當本等差役違者家遷化外
一鄉里中凡有姦盜詐偽人命重事許

赴本管官司陳告。其官吏明知此等。不係老人里甲理斷。一槩推調不理者。治以重罪。若里甲老人合理之事。頑民故違號令。徑直告官。其當該官吏。不即挾斷發與斷理。因而稽留作弊。詐取財物者。亦治以重罪。

一姦盜詐偽人命重事。前例以令有司決斷。今後民間除犯十惡強盜及殺人。老人不理外。其有犯姦盜詐偽人

命。非十惡。非強盜殺人者。本鄉本里
內自能含忍省事。不願告官。繫累受
苦。被告伏罪。亦免致身遭刑禍。止於
老人處決斷者。聽其所以。老人不許
推調不理。若里老人等已行剖斷。發
落其刁頑之徒。事不干已。生事訴告
攪擾有司。官吏生事羅織以圖賄賂
者。俱治以罪。

一 民間詞訟。已經老人里甲處置停當。

其頑民不服展轉告官。捏詞誣陷者。正身處以極刑。家遷化外。其官吏人等。不察所以一槩受理。因而貪贓作弊者。一體罪之。

一老人里甲剖決民訟。毋得置立牢獄。不問男子婦人。犯事不許拘禁。晝則會問。晚則放回。事若未了。次日再來聽問。敢有監禁生事者。治以重罪。一里甲老人。凡本管人民有事自來陳

告方許辯理。若民些小詞訟。本人自能含忍。不願告訴。若里甲老人風聞。尋起勾引生事者。杖六十。有賊者。以賊論。

一民間一里之中。若有強劫盜賊。逃軍逃囚。及生事惡人。一人不能緝捕。里甲老人。即須會集多人。擒拿赴官。違者。以罪罪之。

一老人里甲。不但與民果決是非。務要

勸民為善。其本鄉本里人民。務要見
丁着業。凡有出入互相周知。大誥內
已有條款。務要申明遵守。違者論罪。
一本鄉本里有孝子順孫。義夫節婦。及
但有一善可稱者。里老人等。以其所
善實跡。一聞朝廷。一申上司。轉聞于
朝。若里老人等已奏。有司不奏者。罪
及有司。此等善者。每遇監察御史。及
按察司。分巡到來。里老人等。亦要報

知以憑覈實入奏。

一本鄉本里。但有無藉潑皮。平日刁頑。為非作歹。不受教訓。動輒把持挾制。此非良善之民。衆老人嚴加懲治。如是仍前不改。拏送有司。解赴京來。若有司循情脫放。不解者。許老人奏聞。一每鄉每里。各置木鐸一箇。於本里內。選年老或殘疾不能理事之人。或瞽目者。令小兒牽引。持鐸循行本里。如

本里內無此等之人。於別里內選取
俱令直言。叫喚使衆聞知。勸其為善。
毋犯刑憲。其詞曰。孝順父母。尊敬長
上。和睦鄉里。教訓子孫。各安生理。毋
作非為。如此者。每月六次。其持鐸之
人。秋成之時。本鄉本里內衆人。隨其
多寡。資助糧食。如鄉村人民。住居四
散。寫遠。每一甲內。置木鐸一箇。易為

傳曉。

中以
懸示之

木鐸式

一鄉里有等頑民平日因被老人責罰懷挾私恨以告狀為由朦朧將老人排捏妄告者事發頑民治以重罪

一本里有邇年有犯法官吏人等或工役或充軍逃回者有別處逃來者老人須要家至戶到叮囑告誡里內人民毋得隱藏將此等軍囚送赴官司起解免致連年勾擾隣里親戚受害

設若隱藏在鄉。事發必然被其連累。一朝廷設官分職。本為安民。除授之際。不知賢否。到任行事。方見善惡。果能公勤廉潔。為民造福者。或被人誣陷。許里老人等遵依大誥。內多人奏保。以憑辯理。如有賤貪害民者。亦許照依先降牌內事例。再三勸諫。如果不從。指陳實跡。綁縛赴京。以除民害。凡保奏者。須要衆皆稱善。綁縛者。須要

衆知其惡務在多人方見公論若止
三五人十數人稱其善惡人情偏向
朝廷難以准信若見官長正直設計
引誘貪賊或以贓物排陷妄行綁縛
及有不才官員因是平日與其交通
賄賂却稱為善妄來保奏如此顛倒
是非亂政壞法得罪深重豈能保其
身家

一兩浙江西等處人民好詞訟者多雖

細微事務不能含忍徑直赴京告狀
設若法司得人審理明白隨即發落
往往亦要盤纏如法司囚人數多一
時發落不及或審理不明淹禁月久
死者亦廣其干連之人無罪而死者
不必詳其所以皆由平日不能互相
勸誡不忍小忿動輒經由官府以致
身亡家破如此者連年不已曾無警
省今後老人須要將本里人民懇切

告誡凡有戶婚田土闢毆相爭等項
細徵事務互相含忍設若被人凌辱
太甚情理難容亦須赴老人處告訴
量事輕重剖斷責罰亦得伸其抑鬱
免致官府繫累若頑民不遵榜諭不
聽老人告誡輒赴官府告狀或徑赴
京越訴許老人擒拏問罪

一河南山東農民中有等懶惰不肯動
務農業以致衣食不給朝廷已嘗差

人督併耕種。今出號令。此後止是各
談里分老人。勸督每村置鼓一面。凡
遇農種時月。五更播鼓。衆人聞鼓下
田。談管老人點閘。若有懶惰不下田
者。許老人責決。務要嚴切。督併見丁
營業。毋容惰夫游食。若是老人不肯
勸督農人窮窘為非。犯法到官。本鄉
老人有罪。

一鄉里人民貧富不等。婚姻死喪吉凶。

等事。誰家無之。今後本里人戶。凡遇此等。互相賙給。且如某家子弟婚姐。某家貧窘。一時難辦。一里人戶。每戶或出鈔一貫。每戶一百。便是百貫。每戶五貫。便是五百貫。如此資助。豈不成就。日後某家婚姐。亦依此法輪流。賙給。又如某家或父或母死喪在地。各家或出鈔若干。或出米若干。資助本家。或棺槨。或僧道脩設。善緣等事。

皆可了濟。日後某家倘有此事。亦如
前法。互相賙給。雖是貧家。些小錢米。
亦可措辦。如此。則衆輕易舉。行之日
久。鄉里自然親愛。

一民問子弟七八歲者。或十二三歲者。
此時欲心未動。良心未喪。早令講讀。
三編大誥。誠以先入之言為主。使知
避凶趨吉。日後皆成賢人君子。為良
善之民。免貽父母憂慮。亦且不犯刑。

憲永保身家

一鄉飲酒禮本以序長幼別賢否乃厚風俗之良法已令民間遵行今在中明務要依頒降法式行之長幼序坐賢否異席如此日久豈不人皆向善避惡風俗淳厚各為太平之良民

一鬼神之道陰陽表裏人雖無見冥冥之中鬼神鑒察作善作惡皆有報應曩者已令鄉村各祭本鄉土穀之神

及無祀鬼神。今再申明民間歲時依法祭祀。使福善禍淫。民知戒懼。不敢為惡。如此則善良日增。頑惡日消。豈不有補於世道。

如今天下太平。百姓除本分納糧。當差之外。別無差遣。各宜用心生理。以足衣食。每戶務要照依號令。如法栽種桑株。棗柿綿花。每歲養蠶。所得絲綿。可供衣服。棗柿豐年。可以賣鈔。使

用還後年可當糧食。此事有三。爾民里甲老人如常提督點視。敢有違者家遷化外。

一民間或有某水可以灌溉。曰苗某水為害。可以隄防。某河壅塞。可以疏通。其當里老人會集踏看丈量。見數計較合用。人工併如何脩築。如何疏通。定奪計策。畫圖帖說。赴京來奏。以憑為民與利除害。

一自古民人納糧當差本以永安近年
以來有司不才官吏不能教民為善
惟務貪贓於納糧當差之際徃徃接
受寬限錢鈔放富差貧致令愚民做
做合納糧不肯依期送納虛賣實收
本分差役不肯趨事赴工今後民人
凡遇納糧當差不許買求官府該納
稅糧依期送納本等差役即便磨當
若本等稅糧已納差役已當實官吏

擢里人等重行科歛差使者許受害之家會集多人綁縛赴京治以重罪一元朝天下鄉村人家子弟讀書者多洪武初年命各處鄉村設立社學教訓子弟使為良善其不才有司里甲人等倚此作弊將有丁子弟本有暇讀書却受財賣放不令入學無丁子弟無暇讀書却逼令入學致以民人受害所以革去社學今後民間子弟

許令有德之人不拘所在亦不拘子弟名數每年十月初開學至臘月終罷如丁多有暇之家常讀常教者聽其有司官吏里甲人等敢有干與攪擾者治以重罪。

一父母生身之恩至大其鞠育劬勞詳載大誥今再申明民間有祖父母父母在堂者當隨家貧富奉養無缺已亡者依時祭祀展其孝敬為父母者

教訓子弟。為子弟者。孝敬伯叔。為妻
者。勸夫為善。如此和睦宗族。不犯刑
憲。父母妻子。朝夕相守。豈不安享太
平。

祝文式

維洪武某年歲次某甲子某月某朔某
日孝孫某同閭門眷屬告于

高曾祖考妣之靈

曰昔者

祖宗相繼，鞠育子孫，懷抱提携，劬勞萬
狀，每逢四時交代，隨其寒暖，增減衣
服，撙節飲食，或憂近于水火，或恐傷
於蚊蟲，或懼懼於疾病，百計調護，惟
恐不安。此心懸懸，未嘗暫息。使子孫
成立，至有今日者，皆祖宗劬勞之恩
也。雖欲報之，莫知所以為報。茲者節
屆春秋天氣，將溫涼追感昔時，不勝
永慕。謹備酒肴，羹飯，率閭門眷屬，以

獻尚 烹

一各處教官訓導連年作表誹謗大逆
不臣事發杭州等學訓導景德輝等
若干俱已伏誅今後天下教官人等
務要依先聖先賢格言教誨後進使
之成材以備任用敢有不依聖賢格
言妄生異議蓄惑後生乖其良心者
誅其本身全家遷發化外

一鄉里人民住居相近田土相隣父祖

以來。非親即識。其年老者。有是父祖輩行。有是伯叔輩行。有是兄輩行者。雖不是親。也是同鄉。朝夕相見。與親一般。年幼子弟。皆須敬讓。敢有輕薄。不循教誨者。許里甲老人。量情責罰。若年長者。不以禮導後生。倚恃年老。生事羅織者。亦治以罪。務要隣里和睦。長幼相愛。如此。則日久自無爭訟。豈不優遊田里。安享太平。

一鄉里人民或有生理不前家道消乏
因遇非灾橫禍缺少用度不得已要
將父祖所置田地產業變賣者許其
明立文契從便出賣里隣親屬合該
盡字不許把持刁蹬情索財物酒食
違者治罪

一各處衛所軍士專在禦侮防奸保安
黎庶逾年以來有因征進在逃有在
衛逃亡及有為事充軍逃故者各該

衛所往往差人勾丁補役捉拏正身。其良善里甲老人不敢隱古即時勾發有等無知之徒罔知利害互相隱蔽買囑有司却作無勾戶絕等項虛捏回申及至再行差人挨究却又有丁如此作弊獲罪者亦多今後老人里甲凡遇勾軍即便發遣免致官府往復差人勾擾連累鄉里不得安業。若有名姓差訛冒名勾取者許於老

人里甲處陳告其老人里甲即與體
審窮究將應合當軍人的確姓名連
人解送免致赴京陳告展轉照勘索
煩官府其應合當軍人恃頑不行赴
衛欺瞞官府捏詞妄告者許老人猜
實呈解有司問罪如是老人不理亦
治以罪

一民間詞訟已令自下而上陳告越訴
者有罪所司官吏往往不遵施行致

令越訴者多。今後敢有仍前不遵者，以違制論的決。

一榜文內生去事理皆係教民孝弟忠信禮義廉恥等事，所在官吏老人里甲人等當體朝廷教民之意，各宜趨善避惡，保守身家，常川遵守奉行，毋視虛文，務在實效。違此令者，各以所犯罪之。

一直隸府州縣從監察御史在外布政

司府州縣從各道按察司常加申明
務要依榜文內事理永遠遵守敢有
視為泛常不行申明者治之以罪

一凡理訟老人有事聞奏憑此赴京不
須文引所在關隘去處毋得阻當餘
人不許如有假作老人名目齎此赴
京言事者治以重罪欽此本部今將
聖旨事意備云刊印昭布天下仰欽遵施行
洪武三十一年四月 日

教民新文

終

御製資世通訓序

朕於幼時家貧親老無資來師以學業故兄弟力於畎畝之間更入緇流遂致聖人賢人之道一槩無知幾喪其身焉然雖不知聖人之道何如其當時善人之言彼雖不教我我安得不聽信之忽遇群雄竝起於吾之命如屢薄冰不數年間獲衆保身又數年衆廣而大興以統天下時乃尋儒問道微知其理故日攻詞訪博采志人中積群言加以比較是

非其中所言當者。非斯人之自能。乃上古哲人之善行。因斯人。有志聽懷。今為我學。而為我用於斯人。豈徒然哉。其有所言不當者。皆斯人惰其學。況平日解悟差矣。是致作事倒為戒。又為非。以覆身滅姓者。有之。吾嘗靜以思之。凡君天下者。代天理物。統寰宇之大負。教臣民之重。上古哲王道與天同。今朕匪才。薄德。却乃握乾符而統寰宇。德將安在。於是宵晝弗敢自寧。但見世人性愚而見淺。古有

聖經賢傳立意深長。為先儒註。以繁辭評論。不一。愈愚後學者。朕特以一己之見。總先賢之確論。託謁者評之。直述其意。以利今後人。故為之序云。